



Broj: 02-11-2280/25
Fojnica, 12.11.2025. godine

Na osnovu člana 15. Zakona o principima lokalne samouprave u FBiH (Službene novine FBiH broj 49/06 i 51/09), člana 39. Statuta Općine Fojnica (Službene novine Općine Fojnica broj: 2/15) i Odluke o raspodjeli i dodjeli sredstava utvrđenih Budžetom Federacije Bosne i Hercegovine za 2025. godinu Vladi Federacije Bosne i Hercegovine na poziciji "Tekući transferi drugim nivoima vlasti i fondovima – Finansijska pomoć za gradove i općine za sanaciju šteta uzrokovanih poplavama", broj: 1581/2025 od 07.10.2025. godine (Službene novine Federacije BiH", broj: 77/25) i člana 1. Ugovora o namjenskom korištenju dodjeljenih sredstava broj: 02-11-2141/25 i 05-11-1775/2025 od 23.10.2025. godine potpisanog između Vlada Federacije Bosne i Hercegovine- Glavni sekretarijat Vlade Federacije Bosne i Hercegovine i Općine Fojnica, Načelnik Općine Fojnica r a s p i s u j e

JAVNI POZIV

za podnošenje prijava za finansijsku pomoć privatnim privrednim subjektima u svrhu saniranja posljedica materijalne štete i otežanog poslovanja uzrokovanih poplavama na području općine Fojnica

I PREDMET

Predmet javnog poziva je dodjela finansijskih sredstava privatnim privrednim subjektima u svrhu saniranja posljedica materijalne štete i otežanog poslovanja uzrokovanih poplavama na području Općine Fojnica.

II PRAVO NA PODNOŠENJE PRIJAVE

1. Na javni poziv mogu se prijaviti samo privatni privredni subjekti koji su registrovani u skladu sa važećim zakonskim propisima (Zakon o privrednim društvima, Zakon o obrtu, Zakon o ugostiteljstvu, Zakon o unutrašnjoj trgovini), ako koji ispunjavaju sljedeće uslove:
 - a) da su pretrpjeli direktnu štetu od posljedica prirodne nesreće – poplava na području Općine Fojnica
 - b) Da je procjenu štete izvršila Komisija za procjenu šteta Općine Fojnica, te da je ista evidentirana u Elaboratu o štetama i usvojena na Općinskom vijeću Općine Fojnica,
 - c) Da su izmirili obaveze po osnovu javnih prihoda zaključno sa 31.08.2024. godine ili sa danom prijave na javni poziv
 - d) Da su opravdali ranije dodijeljena sredstva za pomoć privrednim subjektima za saniranje posljedica poplave na području općine Fojnica.
2. Na Javni poziv ne mogu se prijaviti:
 - a) javna preduzeća, javne ustanove, banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, javne institucije, organi uprave, organi i jedinice lokalne samouprave, poslovni subjekti čiji su žiro računi blokirani.
 - b) Poslovni subjekti koji nisu izmirili obaveze po osnovu javnih prihoda ili nemaju potpisan sporazum o odgodi plaćanja (doprinosa za PIO/MIO i zdravstveno osiguranje i osiguranje od nezaposlenosti zaključno sa 31.08.2024.godine.

III FINANSIJSKA SREDSTVA ZA REALIZACIJU

Ukupan iznos finansijskih sredstava za realizaciju javnog poziva iznosi: **2.940.000,00 KM.**

IV NAMJENA I CILJ

Prihvatljive su samo aktivnosti čiji je cilj saniranje posljedica materijalne štete i otežanog poslovanja uzrokovano poplavama na području Općine Fojnica.

V DOKUMENTACIJA I NAČIN PODNOŠENJE PRIJAVE

1. Prijave na javni poziv dostavljaju se putem pošte ili lično na protokol Općine Fojnica
2. Poslovni subjekti dužni su popuniti prijavni obrazac koji se nalazi u prilogu ovog javnog poziva i uz njega dostaviti sljedeće dokumente:
 - a) Rješenje iz sudskog registra sa svim pojedinačnim prilogima ili aktuelni izvod iz sudskog registra, a za ostale poslovne subjekte rješenje o registraciji izdato od strane nadležne općinske službe,
 - b) Uvjerjenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti sa 31.08.2024. godine ili sa danom prijave na javni poziv).
 - c) Obavještenje o razvrstavanju subjekata prema klasifikaciji djelatnosti KD 2010 - Federalnog zavoda za statistiku.
 - d) Potpisanu i ovjerenu izjavu o primljenoj pomoći od drugih nivoa vlasti, organizacija, udruženja, osiguravajućih društava i drugih pravnih i fizičkih osoba.
 - e) Potpisanu i ovjerenu izjavu o namjenskom korištenju sredstava koja se nalazi u prilogu ovog javnog poziva

Svi dokumenti moraju biti dostavljeni u originalu ili ovjerenoj kopiji.

Pravna lica koja su dostavila dokumentaciju iz prethodnog stava prilikom prijave na javni poziv od 12.03.2025. godine, dužna su dostaviti samo prijavni obrazac i dokumentaciju pod d) i e).

Prijave koje ne sadrže svu potrebnu dokumentaciju, bit će odbačene i neće biti predmet daljeg razmatranja Komisije. Sva priložena dokumentacija mora biti izdata od strane nadležnih sudskih ili upravnih organa u FBiH. Dokumentacija ne smije biti starija od 3 mjeseca od dana objavljivanja ovog poziva izuzev dokumentacije iz tački a). b) i c). javnog poziva

Prijave sa potrebnom dokumentacijom dostavljaju se lično na protokol općine Fojnica ili putem pošte na adresu:

OPĆINA FOJNICA
Bosanska 94,
71270 Fojnica

Sa naznakom : "**Prijava na javni poziv za finansijsku pomoć privatnih privrednih subjekata**"

VI ROK ZA PODNOŠENJE PRIJAVE

Krajnji rok za podnošenje prijave je 15 (petnaest) dana od dana objave Javnog poziva na web stranici Općine Fojnica.

VII KRITERIJI ZA VREDNOVANJE PRIJAVA

Prilikom ocjene prijava na Javni poziv vrednovat će se sljedeći kriteriji:

- a) visina iznosa pretrpljene štete, odnosno konačan izvještaj o nastaloj šteti, koje će Komisija zatražiti od Komisije za procjenu štete na području općine Fojnica
- b) visina primljene pomoći od drugih nivoa vlasti, osiguranja, organizacija, udruženja i drugih pravnih i fizičkih osoba.

VIII KOMISIJA

Općinski načelnik imenuje Komisiju koja će razmotriti pristigle prijave i sačiniti prijedlog Odluke o izboru korisnika sredstava.

Preliminarni rezultati Javnog poziva objavljuju se na web stranici Općine Fojnica, radi eventualnog ulaganja prigovora u roku od osam (8) dana od dana objave preliminarnih rezultata.

IX IZBOR KORISNIKA FINANSIJSKIH SREDSTVA

1. Izbor korisnika sredstava vrši se u skladu sa kriterijima iz Javnog poziva.
2. Općina zadržava pravo odbiti sufinansiranje prijava poslovnih subjekata, ako utvrdi da je podnositelj prijave u postupku prijave dao lažne ili netačne podatke.
3. Sa korisnicima odobrenih sredstava Općinski načelnik zaključit će Ugovor o implementaciji dodijeljene finansijske pomoći. Potpisivanjem Ugovora, korisnik sredstava prihvata dodijeljena finansijska sredstva i obavezuje se da će ih koristiti transparentno, zakonito i isključivo u namjenske svrhe, u skladu sa odredbama ovog Javnog poziva i Ugovora.

X MODALITET ZA PRAĆENJE NAMJENSKOG TROŠENJA DODJELJENIH SREDSTAVA

Namjenskim utroškom sredstava će se smatrati utrošak sredstava koji se može dovesti u direktnu vezu sa svrhom dodijeljenih sredstava i isti će predstavljati prihvatljive troškove.

Prihvatljivi troškovi se priznaju za period od dana nastanka stanja prirodne nesreće uzrokovane poplavama i klizištima na području Općine Fojnica do 31.12.2026. godine i to troškovi:

- a) troškovi za nabavku mašina i opreme,
- b) troškovi za popravku mašina i opreme,
- c) troškovi za nabavku sirovina i drugog materijala za redovno obavljanje registrovane djelatnosti,
- d) troškovi nabavke građevinskog materijala,
- e) troškovi građevinskih radova na sanaciji oštećenih objekata.

Korisnik sredstava se obavezuje da će Općini Fojnica dostaviti Izvještaj o namjenskom utrošku sredstava, sa pratećom dokumentacijom.

Izvještaj će se dostavljati kvartalno, za periode kako slijedi:

- od dana potpisivanja Ugovora do 31.12.2025. godine,
- od 01.01.2026. godine do 31.03.2026. godine,
- od 01.04.2026. godine do 30.06.2026. godine,
- 01.07.2026. godine do 30.09.2026. godine i
- 01.10.2026. godine do 31.12.2026. godine.

Kvartalni izvještaji se obavezno dostavljaju u roku od 10 dana po isteku navedenih perioda.

Izvještaj o namjenskom utrošku sredstava dostavlja se isključivo prema Obrascu 2., koji će biti sastavni dio Ugovora.

Korisnik sredstava će uz Izvještaj o namjenskom utrošku sredstava dostaviti dokumentaciju (original ili ovjerenu fotokopiju) kojom dokazuju namjenski utrošak sredstava i to:

- originale ili ovjerene kopije finansijsko-knjigovodstvene dokumentacije, na osnovu koje je izvršeno plaćanje (fakture, situacije, odluke, izvodi iz banke i dr.), sa dokazima o uplati, za troškove koji su namjenski finansirani dodijeljenim sredstvima. Vlade Federacije

XI OSTALE ODREDBE

U slučaju utvrđivanja nenamjenskog korištenja dodijeljenih sredstava ili neispunjavanja ugovorenih obaveza, Korisnik sredstava će biti pisanim putem obavješten da je obavezan u roku od 15 dana izvršiti povrat neutrošenih, odnosno nenamjenski utrošenih sredstava.

Nepotpune, neblagovremene i neuredne prijave neće se uzete u razmatranje.
Sve dodatne informacije mogu se dobiti svakim radnim danom putem telefona: 030/547-719.



OPĆINSKI NAČELNIK

Sabahudin Klisura, dipl.ing.